

ra, vitam Troili, conservationem Palladii, & sepulcrum Laomedontis, quod erat in porta Scaeae, quae sic exhibet Plautus. (2)

*Ilio tria fuisse audivi fata, quae illi forent exitio,
Signum ex arce si perisset : alterum etiam est Troili
mors :*

Tertium cum portae Scaeae limen superum scinderetur.

At interiit una cum pignoribus suis Troia. Iactitabat ambitiosa quondam Roma Ancilia sua atque Palladium (3) & nescio quae (4) secreta imperii sui pignora. At periit una cum pignoribus suis & Roma. Iactitabat olim clamosa Iudea, secreta imperii sui pignora, templum Hierosolymitanum Ierem. VII, 4. arcam foederis Ierem. III, 16. 17. At occidit una cum pignoribus suis & Iudea. Sileant igitur illae imperii sui pignora. Solum imperium Christianum βασιλεία αὐτάλευθος est, habet enim secreta imperii pignora, quae nec moveri, aut concuti, nec oppugnari, nec eripi possunt, in terris nimirum verbum Dei ac sacramenta sanctissima, & in coelis thronum Iesu crucifixi Psalm. XLV, 7. 2. Tim. II, 8. Cuius solius gloriam & potentiam omnium saeculorum posteritas atque memoria pie celebret ac sancte revereatur!

Et huius reverentia ducti quatuor laudatissimi iuvenes multae spei multique ingenii, pio animo probum consilium ceperunt, ipsa hora, officio funebri, quod praestitum est Christo, sacra, laudes Iesu placide obdormientis, canendi. Prodibit itaque primum *Ioannes Christianus Rabe, Suptizensis Misni-*

(2) Bacchid. Aet. IV. scen. IX. v. 29. 30. 31.
I. c. 2. (4) Servius ad Aeneid. VII. v. 188.

(3) Florus lib.